

曼殊室利菩薩咒藏中一字咒王經

大唐三藏法師義淨奉制譯

爾時釋迦牟尼佛在淨居天上於天眾中跏趺正念普觀大眾而告之日汝諸天子當至心聽曼殊室利童子微妙之行所謂壇場神呪作法所須療病護身第一祕密最上呪心

一切如來所共宣說咸皆稱歎是大呪王若有善男子善女人能誦此呪者則為受持一切神呪汝諸天眾此大呪王無能違者假使曼殊室利童子菩薩摩訶薩此呪亦能隨心自在引攝將來令使現前為作眾事況復諸餘菩薩世出世間所有神呪一切障礙悉皆

除遣有大勇猛有大威力神驗第一諸呪中上一字中尊此之一字悉能成就一切事業悉能圓滿所有善法常在一切世出世間呪術之上不可毀壞是一切佛心悉能滿足所有求願汝諸天眾咸皆一心聽此不可思議具大威力最上神呪即說呪曰

効三

四

巧 亂 唵 叱 洛 四 噠

此有四字抱成一字是故梵漢二體俱存

汝等天眾此是一切祕密中勝一字呪王一切有情無敢違者一切鬼神不敢親近一切諸佛為吉祥事一切呪中最能成立隨意所為一切世間作大尊勝於求財者有大自在能令富盛諸瞋恚中此令慈善於諸含識悲愍為性有違逆者皆悉順從要而言之凡有所為悉皆成就縱不作法入壇場等直爾誦持手觸彼時即便隨意呪衣著時人皆愛樂見者歡喜若呪齒木用揩齒時齒疼即差若患眼時取先陀婆鹽研之為糝呪七遍已少置眼中其痛便止若患耳者取象馬糞聚上地茵并苴藤油先陀婆鹽各取少許呪之七遍一處研使碎絞取汁煖之滴耳孔中其痛便止若有女人將產之時被胎所惱腹中結痛不能疾出取阿吒留灑根或牛膝根取無蟲水磨搗令碎呪之七遍塗在齋下即能易出若人被射箭鏃入身不能出者可取陳酥

呪一百八遍令彼飲之其鏃便出若患宿食不消腹中結痛上變下瀉霍亂畏死者可取烏鹽或先陀婆鹽或諸雜鹽類呪之七遍研碎暖水令服便差或復苦痢不能斷者取橘抽根及檳榔根磨濤呪之七遍和水服之即差若是石女無產生法欲求男女者應取阿

効三

五

說健陀根以酥熟煎搗之令碎和黃牛乳呪三十五遍待彼女人身淨之時令飲其藥妻莫犯他男夫莫犯他女未父之間即便有娠或復女人斷緒無子經三五年或復多年或被他人禁呪或由禳禱或因諸病或他所惱或遭毒藥遇此惡緣遂無子息者應取少許孔

雀尾安陳酥中煎之數沸研令相得投少石蜜量如棗許呪二十七遍服之令盡於後七日中日常以石蜜和乳每呪七遍飲之女人身清淨諸病皆差即便有娠若有女人月水不息應以阿藍部根或以藍根一握搗之和乳熟煎呪一百八遍服之即差若患頭痛者

應以烏羽呪之七遍掃拂病處即便求差若人患瘡或一日二日三日四日發者或常熱病或暫時熱病應以乳粥和酥呪一百八遍食之即差若人被他人禳魅蟲毒所中應作返緣心呪自己面一百八遍觀彼病人所患便差若人被邪鬼羯吒布單那等諸鬼所著或

小兒諸病但是一切非人所為共相惱者應呪自手一百八遍摩病人頭即衆病皆差

若人被蛇蠍所蜇或狂狗所傷以氣急吹瘡上呪之七七遍即差若有人患癩病瘦病者應洗浴潔淨於閑靜處常誦此呪悉皆除愈凡誦呪之人常須遠離惡人不淨臭穢之處

不近酒肉五辛一心受持無不驗者若有一日常誦一遍能護自身若誦二遍能護同伴若誦三遍能護一家若誦四遍能護一村若誦五遍能護一城若誦百遍能護一國若誦千遍能護四天下以要言之略述如是療病護身隨時利益若更有餘所為之事皆隨意

作無不成就爾時諸天大衆聞佛說此一字
 呪王經已歡喜奉行大君復有人志願來解脫者當
可至心依呪藏中作
大呪法廣說如經

六

曼殊室利菩薩呪藏中一字呪王經

稱讚如來功德神咒經

十二佛名神呪校量功德除障滅罪經

稱讚如來功德神咒經

効

三藏法師義淨奉

詔譯

如是我聞一時薄伽梵在王舍城鷲峯山頂
 與大苾芻衆千二百五十人俱菩薩摩訶薩
 萬二千人俱皆是賢劫大菩薩衆爾時世尊
 於此衆中告慈氏菩薩摩訶薩曰今現在十
 方諸佛如來勝妙吉祥名号若有善男子善
 女人於此如來名号憶念受持一心恭敬所
 有業障報障破戒重罪悉皆除滅勝妙善根
 真實功德勸請隨喜迴向發願一切功德永

不退轉菩提之心我今欲說汝應諦聽

南無東方無垢光如來 南無東南方衆辯

莊嚴如來 南無南方無垢月幢旗王如來

南無西南方尤焰莊嚴如來 南無西方寶

勝如來 南無西北方俱摩羅光如來 南

無北方無畏無垢稱如來 南無東北方離